



SIARAN AKHBAR

S.A. 2021/06/85 (HQ)

TNB TANGGUH HAMPIR 2000 KERJA SENGARAAN TIDAK KRITIKAL SEPANJANG FASA 1 TOTAL LOCKDOWN

Tenaga Nasional Berhad (TNB) telah menjadualkan semula hampir 2000 kerja senggaraan yang tidak kritikal di Semenanjung sepanjang fasa pertama sekatan pergerakan penuh (total lockdown) bermula 1 Jun 2021 demi keselesaan pengguna.

Ketua Pegawai Rangkaian Pembahagian Tenaga Nasional Berhad (TNB), Wan Nazmy Wan Mahmood berkata penjadualan semula ini melibatkan kerja senggaraan tidak kritikal yang telah dirancang lebih awal.

“Bagaimanapun, barisan hadapan TNB akan terus memikul amanah melaksanakan kerja-kerja senggaraan kritikal walaupun angka penularan wabak COVID-19 kekal tinggi bagi memastikan sistem TNB sentiasa dalam keadaan baik, teratur dan berdaya harap.”

Beliau memaklumkan terdapat 404 kerja senggaraan kritikal dirancang sehingga 14 Jun yang turut melibatkan Pusat Kuarantin dan Rawatan Covid-19 (PKRC), hospital, Pusat Pemberian Vaksin (PPV) dan Pusat Simpanan Vaksin (PSV).

“Kerja senggaraan kritikal masih perlu diteruskan. Kami akan mengeluarkan notis pemakluman dan memasang set janakuasa bergerak dan membuat suapbalik (feedback) di tapak supaya gangguan bekalan elektrik dapat diminimumkan.

“Senggaraan kritikal ini antara lain melibatkan kerja pembaikan perkakas telah dikenal pasti rosak dan pembaikan berdasarkan keadaan perkakas elektrik menerusi proses diagnostik atau Penyelenggaraan Berasaskan Keadaan (Condition Based Monitoring).

Kerja-kerja senggaraan adalah penting bagi memastikan pemasangan TNB sentiasa dalam keadaan baik, selamat serta cekap, mengelakkan gangguan bekalan selepas pembaikan, membaiki kejanggalkan yang timbul, dan mengurangkan risiko gangguan, jelasnya.

Wan Nazmy juga berkata pasukan TNB juga sentiasa dalam keadaan siap saga untuk kerja-kerja kritikal lain yang tidak terancang atau di luar jangkaan, untuk mengelakkan sebarang kejadian tidak diingini seperti percikan arka (flashover).

Sekiranya berlaku gangguan bekalan elektrik atau terdapat kejanggalkan pada pemasangan TNB, para pengguna diminta menghubungi TNB CareLine di talian 15454 atau Facebook TNB CareLine. Layanan dan tindakan sewajarnya akan diambil TNB.

Dikeluarkan di Kuala Lumpur pada 7 Jun 2021, jam 10:00 pagi
*Untuk pertanyaan lanjut media, sila hubungi Fitri Majid 013-3626923 /
Grace Tan 016-6626229 / Nasir Aziz 018-9434524
atau emel kami: media@tnb.com.my*



Juruteknik Diagnostik TNB Muhammad Nazmi Zakaria menggunakan pengimbas terma (thermal scanner) untuk menguji keadaan kabel sebagai sebahagian daripada proses diagnostik atau Penyelenggaraan Berasaskan Keadaan (Condition Based Monitoring) di Pencawang Pembahagian Utama (PPU) Kompleks Sukan Bukit Jalil yang menyalurkan bekalan elektrik kepada Pusat Pemberian Vaksin (PPV) berskala mega di Stadium Nasional Bukit Jalil pada 4 Jun 2021.

Tenaga Nasional Berhad (TNB) telah menjadualkan semula hampir 2000 kerja senggaraan yang tidak kritikal di Semenanjung sepanjang fasa pertama sekatan pergerakan penuh (total lockdown) bermula 1 Jun 2021. Namun begitu, warga kerja TNB sentiasa berada dalam keadaan siap siaga untuk kerja-kerja kritikal lain yang tidak terancang atau di luar jangkaan, untuk mengelakkan sebarang kejadian tidak diingini seperti percikan arka (flashover).



Ketua Pegawai Rangkaian Pembahagian (Chief Distribution Network Officer) TNB,
Wan Nazmy Wan Mahmood